

# 1 San Juan

## *Ñu Jesucristore were gojara ãhrraa*

<sup>1</sup> Dohpague ta gũa Jesucristo yare were gojarã iiaa mũare. Mata negue ta árĩdigũ ãhrimi ĩgũ. ĩgũ masare mari Pagũ mera eropa árĩniguicũ iigũ ãhrimi. ĩgũre ĩabũ gũa. ĩgũ wereniguirire pee gũa ya cuiri mera ĩabũ gũa ĩgũre. Eropirã ĩgũre ĩarã, gũa ya mojotori mera mohmepibũ ĩgũre.

<sup>2</sup> ĩgũ masare mari Pagũ mera árĩniguicũ iibu árĩgũ ĩgũ i yebague ĩgũ dehyoami. ĩgũ masa dehyoacũ gũa ĩabũ ĩgũre. Eropirã ĩgũre werea gũa mũare. ĩgũ mũmũri mũcũ mari Pagũ mera árĩniguicãdigũ mari pohro erami. Eropirã ĩgũre gũa ĩarare werea mũare.

<sup>3</sup> Mari Pagũ mera gũa ðaro ãhrraa. ĩgũ magũ Jesucristo mera sãre gũa ðaro ãhrraa. Eropirã mũa sã gũa mera, mari Pagũ mera, ĩgũ magũ mera mũa ðaro árĩburire gũa mũa sãre Jesucristore werea. Gũa ĩarare gũa peerare werea.

<sup>4</sup> Irire ta gũa gojaa mũa ðaro mucubiriburire.

## *Goãmũ mera ðaro árĩburi ãhrraa*

<sup>5</sup> Dohpague ta Jesucristo wereniguirare werea gũa mũare. Iri buherire Jesucristo gũare buhecũ gũa peebũ. Ōpa ãhrraa. Goãmũ ðagũ dihta ãhrimi. Ñeripũ ne mara ĩgũre. Irire werea mũare.

<sup>6</sup> Eropirã mari ñeri iirire iiniguirã, “Goãmũ mera õaro árĩcãa yũhũ,” arĩquererã mari gũyarã iiaa. Eropirã diaye majare iibeaa.

<sup>7</sup> Eropirã mari Goãmũ iidiro dopa ta mari õarire iiniguirã tamera, Goãmũ mera õaro árĩrã iiaa. Mari basi sã õaro árĩrã iiaa. Eropigũ Jesucristo Goãmũ magũ mari ñeri iirire árĩpehrerire coegũ ãhrimi. Īgũ crusague sĩrigũ Īgũ dire cóãmi. Īgũ eropiigũ mari ñeri iirire coenigucãmi.

<sup>8</sup> Yujugũ “Yũ tamera ne ñerire iibeaa,” eropa arĩgũ Īgũ basi ta gũyami. Eropigũ diaye majare pepibeami.

<sup>9</sup> Eropirã mari ñero iirare werero gahmea Goãmũre. Eropa wererã mari ñero iira pũhrũ Goãmũre mari weretaripehocãcũ, Īgũ mari ñero iirare cãdijipehocãgũcumi. Īgũ arĩdiro dopa ta diaye ta iigũ õagũ ãhrimi. Eropigũ daja mari ñeri árĩpehreri sãre coeweagũcumi.

<sup>10</sup> “Árĩpehrerã ñerire iirã ãhrima,” arĩtuhajapũ Goãmũ. Eropirã “Ne ñerire iibeaa yũpũ,” mari arĩrã õaro arĩbeaa mari. Mari eropa arĩrã “Goãmũ gũyaricugũ ãhrimi,” arĩdiarã iiaa. Õpa arĩrã Īgũ ya buherire gamebirã ãhraa.

## 2

### *Jesucristo marire itamumi, arĩ wereñumi Ñũ*

<sup>1-2</sup> Yũ porã, maa ñerire iibiriboro dopa ire gojagũ iiaa. Yujugũ ñero iirare iicũ Jesucristo itamumi marire mari Pagũ iri ñero iirare cãdijiboro dopa. Īgũ Jesucristo õagũ Pagũ pohro árĩgũ Īgũ Pagũre õpa arĩ serẽbasacumi

mari ñero iira pũhrũ: “Ihĩ ñero iira dipuwaja moabita ãgure,” arĩrã “Goãmũ gũyaricũgũ ãhrimi,” arĩdiarã iiaa. Ōpa arĩrã ãgũ ya buhe arĩcumi mari Pagũre. Eropigũ Jesucristo mari ñero iira dipuwaja wajayebasadi árĩmi. Mari ñero iira dihtare wajayebasabiridigũ árĩmi. Árĩpehrero majarãguere erã ñero iirare wajayebasadi árĩmi.

<sup>3</sup> Maripũ Goãmũ dorerire iirã arĩrã “Goãmũre diaye ta masia yũhũ,” arĩ masia mari.

<sup>4</sup> Yujungũ Goãmũ dorerire iibigũ, “Yũ sã Goãmũre diaye ta masia yũhũ,” arĩgũ gũyagũ ãhrimi. Eropigũ Cristo yare masibeami. iiaa. Ōpa arĩrã ãgũ ya buhe

<sup>5</sup> Goãmũ dorerire iigũpũ ãgũ Goãmũre ðaro mahigũ ãhrimi. Eropa arĩgũ ta “Yũhũ Goãmũ mera ðaro árĩcãgũ ãhraa,” arĩ masimi ãgũ.

<sup>6</sup> Mari “Goãmũ mera ðaro ãhraa,” arĩrã Jesucristo ãgũ ðaro árĩricũdiro dopa ta iiro gahmea.

### *Goãmũ doreriñe ãhraa*

<sup>7</sup> Yũ acawererã, yũhũ mũare dohpaguere werebeoburi mama doreriñe árĩbeaa. I doreriñe mũa negohraguere Jesu buherire peerañe ta ãhraa. Eropirã iriñe doreriñere peetuhajabũ mũa.

<sup>8</sup> Iri doreriñe “Gajirãre mahi umupeoque,” arãa. Cristo iri doreriñere iigũ masare umupeomi. Eropiro dohpaguere iri doreriñe mũrañe doreriñe árĩquerero ta mama doreriñe sã ãhraa. Dohpaguere mũa pee masibirirañe pehre wahgãro iiaa ðaro. Jesucristo mũare pee masicũ

iigu eratuhamami. Eropirã mua sã masare umu-peorã iiaa.

<sup>9</sup> Eropigu yujugu gajigure ñaturigu árĩgu ñerire iigu ãhrimi. Igu ta “Yũhu õarire iigu ãhraa,” arĩmasibeami igu gajigure ñaturinijagu.

<sup>10</sup> Eropigu yujugu gajirãre mahi umupeogu tamera õarire iigu õaro ãhrimi. Eropigu ñerire iibeami.

<sup>11</sup> Gajirãre ñaturigupu ñerire iigu ãhrimi. Eropigu igu õaro iiburire pee masibeami igu.

<sup>12</sup> Yu porã, Goãmũ mua ñeri dipuwajare cãdijipehodi árĩmi Cristo igu sĩrirañe mera. Eropa mua ñerire cãdijisũrã árĩcũ muare wegũ árĩgu ñerire iigu ãhrimi. Igu ta “Yũhu õarire iigu ãhraa,” arĩmasibre gojagu iiaa.

<sup>13</sup> Mua pagu sumarã sã, mua Cristore negohraguere árĩdigure masirã ãhraa pare. Mua eropa masicũ mua sãre were gojagu iiaa. Mua mamarã, mua watĩre tarinũgabũ mua. Mua eropa tarinũgarã árĩcũ muare were gojagu iiaa.

Yu porã, mua mari Pagure masia. Mua eropa masirã árĩcũ were gojagu iiaa.

<sup>14</sup> Mua pagu sumarã, mua Cristore negohraguere árĩdigure masia mua. Mua eropa masirã árĩcũ muare were gojagu iiaa. Mua mamarã, mua Goãmũ yare umupeoturarã ãhraa. Eropirã igu yare diaye majare iiaa. Goãmũ wereniguirire masia. Mua eropiirã watĩre tarinũgabũ. Eropigu muare were gojagu iiaa.

<sup>15</sup> I yebare, i yeba majare gamebircãque. I

yeba majare gamerã maripũ mari Pagũre gamebeaa mari.

<sup>16</sup> I yeba maja ãhraa: Masa erã ñerire ɯaribejari, ñero ïha iidari ãhraa. Eropárcũ masa erã ya dihta guña mucubiriri ãhraa. Iri Goãmũ mari Pagũ ya árĩbeaa. Iri árĩpehreri i yeba maja ãhraa.

<sup>17</sup> Eropirã i yeba majare iirã erã ñero iidari mera dederea wahama i yeba mera. Goãmũ yapũ pehresome. Eropirã Goãmũ yare iirãpũ Goãmũ mera árĩniguicãrãcoma.

*Diaye maja árĩri, diaye maja árĩbiriri ãhraa, arĩ gojañumi Ñu*

<sup>18</sup> Yũ porã, i ɯmũ pehrebro merogã dũhyaa. “Cristore ïhaturidigũ gohra arigũcumĩ,” arĩ Jesu yarã mũare weretuhajama. Dohpaguere Cristore ïhaturirã bajarã árĩtuhajama. Eropirã dohpaguere i ɯmũ pehreburiũ merogã ero dũhyacũ mari masia.

<sup>19</sup> Oã Cristore ïhaturirãpũ mari mera árĩquererã mari yarã diaye árĩbeama. Eropirã marire cohã wiriama. Erã mari yarã árĩrã mari mera dujaboañuma. Eropirã marire cohã wiriama. Erã eropa wiriacũ mari mera majarã erã árĩbirirare masia mari.

<sup>20</sup> Mũapũre Cristo Espĩritu Santore mũare otuhajadi árĩmi. Eropigũ Espĩpehreri i yeba maja ãhraa. Íritu Santo mũa mera ãhrimi. Ígũ árĩro mera mũa árĩpehreri diaye maja árĩrire masia.

<sup>21</sup> Eropigũ yũ mũare weregũ, “Diaye maja árĩrire masibea mũa,” arĩbeaa yũhũ. Mũa

diaye maja árĩrire masirã gũyacũ sãre masia. Eropigũ mũare werea yũhũ.

<sup>22</sup> Ihĩ diaye majare masibigũ ãhrimi gũyagupũ. “Jesucristo Goãmũ magũ árĩbeami,” arĩgũpũ gũyagũ ãhrimi. Ĩgũ Cristore ĩhaturigũ ãhrimi ĩgũ. Eropigũ mari Pagũre ĩgũ magũ sãre “Erã diaye ta árĩbeama,” arĩgũ Cristore ĩhaturigũ ta ãhrimi.

<sup>23</sup> Ōpa ãhraa: Jesure gamebigũpũ mari Pagũ sãre gamebeami. Jesure umupeogũ mari Pagũ sãre umupeomi.

<sup>24</sup> Negohraguere mũa Goãmũ yare peebũ. Irire õaro guñaque. Irire guñarã Jesucristo mera õaro árĩrãca. Eropirã mari Pagũ mera sãre õaro árĩrãca.

<sup>25</sup> Jesucristo marire weremi: Ōpa ãhraa ĩgũ werera: “Mũa umuri nũcũ Goãmũ mera árĩrãca,” arĩ werepimi Jesu marire.

<sup>26</sup> Gajirã mũare gũyadjarima. Eropigũ mũare were gojaa.

<sup>27</sup> Mũapũre Cristo Espĩritu Santore otuhajami. Espĩritu Santo mũa mera árĩniguimi. Eropigũ Espĩritu Santo mũa mera árĩgũ diaye majare mũare masicũ iimi. Espĩritu Santo mũare buhecũ ĩha gajigũ mũare buhegũre amabeaa mũa. Árĩpehrerire diaye maja árĩrire buhemi mũare Espĩritu Santopũ. Gũyarire ne buhebeami ĩgũ. Eropirã Espĩritu Santo ĩgũ mũare buhediro dopa ta Jesucristo yare peerã ĩgũ mera õaro árĩque.

<sup>28</sup> Eropirã, yũ porã, Jesucristo mera majarã árĩque. Mũa eropiirã Cristo ĩgũ dujaririnũ árĩcũ

ne gūisome ĩḡure. Eropirã ĩḡu dujaririnũ árĩcũ mũa ḡuhyasĩriri mariro árĩrãca.

<sup>29</sup> Cristo Goãmũ magũ ĩḡu õari dihta iidigu árĩcũ mũa masia. Irire masirã iri sãre masia mũa. “Árĩpehrerã diaye maja õarire iirã Goãmũ porã ta ãhrima,” arĩ masia mũa.

### 3

#### *Mũa ta Goãmũ porã ãhraa, arĩ werera ãhraa*

<sup>1</sup> Goãmũ mahitaricãmi marire. Eropigu ĩḡu marire “Mũa yũ porã ta ãhraa,” arĩmi. Eropirã ĩḡu porã ta ãhraa mari. I yeba majarã ñerã Goãmũre masibeama. Eropirã erã mari sãre masibeama Goãmũ porã mari árĩcũ.

<sup>2</sup> Yũ mahirã, dohpague Goãmũ porã ãhraa mari. Pũhrũgue mari dohpa árĩburire mari õaro masibeaa dohpa. Cristo dehyoacũ daja diaye ta irire masirãca. ĩḡu árĩricũre ĩha masirãca. Eropirã Cristo marire dehyoacũ daja ĩḡu iro dopa ta mari ḡohroto árĩrãca. Eropirã ĩḡu õagũ iiro dopa ta iirãca pare. Irire masia mari.

<sup>3</sup> Eropa masirã ñerire duhu Cristo ĩḡu árĩro dopa ta õarire iidiaa dohpague sãre.

<sup>4</sup> Árĩpehrerã ñerire iirã Goãmũ dorerire tarinũgarã ãhrima. Ñero iiri Goãmũ dorerire tarinũgari ãhraa.

<sup>5</sup> Cristo márĩburire mari õaro masibeaa dohpa. Cristo dehyoacũ daja diaye ta irire masirãca. ĩḡu árĩricũre ĩha masirãca. Eropirã Cristo marire dehyoacũ daja ĩḡu iro dopa ta mari ḡohroto árĩrãca. Eropirã ĩḡu õagũ iiro dopa ta

iirãca pare. Irire ari masa ñerire cóãbu erami. Ìgũpũre ñeri ne mara. Mũa irire masia.

<sup>6</sup> Eropirã árĩpehrerã Cristo mera majarã árĩrã erã sã ñerire eropa iiniguicãbeama. Ñerire eropa iiniguicãrã Cristore ne masibeama. Eropa iirã Cristo yarã árĩbeama.

<sup>7</sup> Yũ buherã, mũare gũyarãre peebiricãque. Árĩpehrerã diaye majare iirã, Cristo iro dopa õarã àhrima.

<sup>8</sup> Ñerire eropa iiniguicãgũ watĩ yagũ àhrimi. Watĩ tamera mata ñerire iinũgadigũ árĩñumi. Eropigũ Goãmũ magũ Jesucristo watĩ dorerire cóãgũ erami.

<sup>9</sup> Eropirã Goãmũ porã ìgũ árĩrere opama. Eropirã erã ñerire eropa iiniguicãbeama. Goãmũ erã Pagũ árĩcũ erãpũ ñerire iiniguicãmasibeama.

<sup>10</sup> Õpa Goãmũ porã árĩrãre, watĩ porã árĩrã sãre masirãca. Watĩ porã Goãmũ porã iro dopa ta árĩbeama. Diaye maja árĩrere iibirã, gajirãre umupeobirã Goãmũ porã árĩbeama.

*Mũa mera majarãre mahi umupeoque, arĩ werera àhraa*

<sup>11</sup> “Mari mera majarãre mahi umupeoro gah-me,” ne arĩ buhecũ peeabũ mũa.

<sup>12</sup> Eropirã mari Caín iribojegue majagũ ìgũ ñero iidiro dopa ta ñerire iibiricãrã. Ìgũ Caín watĩ yagũ árĩdi ìgũ pagũ magũre wejẽcãñumi. Caín ñerire iimũriñumi. Ìgũ pagũ magũpũ õarire iimũriñumi. Ìgũ eropa õarire iira



dipuwaja Caínpu ïgure ïhaturĩnumi. Eropigu ïgure wejẽcãñumi.

<sup>13</sup> Eropirã i ɯmɯ majarã ñero iiricurã mari õarire iicã ïha ïhaturima marire. Eropirã “¿Duhpirã yure ïhaturiri erã?” arĩrire masirãca.

<sup>14</sup> Negohrare mari Goãmɯ yare iibirã árĩnirã mari dederebonirã árĩribɯ. Dohpaguere pare Goãmɯ yare iirã árĩrã ïgu mera árĩniguimorã ãhraa. Eropirã ïgu itamuri mera Jesu yarãre mahi umupeorã ãhraa. Eropa umupeorã árĩrã “Goãmɯ yarã ãhraa,” arĩ masia mari. Masare mahibirã peamegue wamorã ãhrima.

<sup>15</sup> Eropirã erã erã mera majarãre ïhaturirãpu masare wejẽrã iro dopa ta iima Goãmɯ ïgu ïacẽ. Masare wejẽrã ɯmarogue árĩmorã árĩbeama. Irire õaro masia mɯa.

<sup>16</sup> Cristo ïgu sĩrirañere guñarã marire ïgu mahira gohrare masia. Cristo mari masare mahitarigu mari dipuwajare aĩ mari Goãmɯ mera árĩniguiborore sĩrimi. Mari sã gajirãre itamugu sĩribu ta árĩqueregu mari acawererãre mahi itamuro gahmea.

<sup>17</sup> Yujugu baja opagu Jesucristo yagure mojomocugure ïaqueregu ta ïgure mojomoro ïabigu Goãmɯre mahibeami ïgu.

<sup>18</sup> Yɯ porã, mari “Yɯhɯ masare umupeoa,” mari arĩ wererã erãre itamuro gahmea. Erãre itamubirã erãre mahi umupeobirã iiaa.

*Güiro mariro Goãmɯ pohro árĩmasia mari*

<sup>19</sup> Eropa gajirãre mahi umupeorã, “Mari diaye ta Goãmɯ yarã ãhraa,” arĩmasia.

20 Eropirã mari basi “Gajino yu ñero iira dipuwaja árĩca yure,” arĩ pepiquererã ta Goãmũ mera õaro sĩporãcurã árĩmasia. Goãmũpu árĩpehrerire masĩgu õaro masimi mari sĩporãrere.

21 Eropirã mari “Ñeri dipuwaja marica yure,” arĩ pepirã õarire iirã Goãmũ mera mari gũiro mariro árĩmasia.

22 Goãmũ ĩgu dorerire ĩgu gamerire mari iicũ ĩgure mari serẽri nũcure ogucumi marire.

23 Õpa doremi ĩgu marire: “Goãmũ magũ Jesucristore umupeoque. Eropirã mũa mera majarãre mahi umupeoque Cristo marire ĩgu dorediro dopa ta,” arĩ doremi marire.

24 Goãmũ dorerire iirã Goãmũ mera õaro árĩcãa mari. ĩgu Goãmũ sã mari mera õaro ãhrimi. Goãmũ ĩgu Espĩritu Santore obeomi marire. Mari mera árĩgu “Goãmũ yu mera ãhrimi,” mari arĩ masiburire Espĩritu Santo marire masicũ iimi.

## 4

*Goãmũ yarã gohrare masiro gahmea marire, arĩ werera ãhraa*

1 Yu mera majarã, dohpaguere i umũre bajarã guyarã ãhrima, “Goãmũ yare wererã ãhraa,” arĩquererã. Eropirã gajirã mũa watopegue Goãmũ yare buherã aricũ õaro ĩaque erãre. “¿Erã buheri noa buheri ãhriri?” arĩ ĩaque. “¿Erã Goãmũ yarã ãhriri?” arĩ ĩaque.

2 Õpa masique erãre serẽpirã: “¿Jesucristo i yebague aridĩgu diaye ta masũ gohra árĩyuri?” arĩ serẽpiñaque erãre. Mũa eroparĩcũ pee erã

Goãmũ yarã árĩrã “Masũ ta árĩñumi Jesu,” arĩ yũhrirãcoma.

<sup>3</sup> Erã Goãmũ yarã árĩbirãpũ “Jesucristo masũ gohra árĩbiriñumi,” arĩ yũhrirãcoma. Erã eropa arĩ yũhricũ “Erã ya pepiri Cristore ìhaturigũ ya dorero dopa ta ãhraa,” arĩ masirãca mũa. “Cristore ìhaturigũ arigũcumĩ,” peetuhajabũ mũa. Eropigũ ìgũ ya buheri i yebaguere árĩtuhajaa.

<sup>4</sup> Yũ porã, Goãmũ yarã ãhraa mũarũ. Eropirã mũa Goãmũ yare were gũyarãre tarinũgatuhajabũ. Mũa mera árĩgũ Espiritu Santopũ watĩ tauro ãhrimi. Watĩ i mũmũ majarã yagũ ãhrimi. Eropirã mũare gũyarãre tarinũga, erãre peebirabũ mũa.

<sup>5</sup> Gũyarãpũ i mũmũ majarã ãhrima. Eropirã erã i mũmũ majare gũyarire buhecũ i mũmũ majarã dihta erãre peema.

<sup>6</sup> Maripũ Goãmũ yarã ãhraa. Eropirã Goãmũre masirãpũ marire peema. Gajirãpũ Goãmũ yarã árĩbirãpũ marire peebeema. Eropirã õpa arĩ masia mari. “Erã Goãmũ yare peerã Goãmũ doreri diaye majare opama. Erã Goãmũ yare peebirãpũ watĩ doreri gũyari majare opama,” arĩ masia mari.

*Goãmũ árĩpehrerãre bũrigã mahiniguigũ ãhrimi, arĩ werera ãhraa*

<sup>7</sup> Yũ mahirã, mari gajirãre mahicũ Goãmũ iigũ ãhrimi. Ìgũ eropãrĩcũ ìarã mari mera majarãre mahirã. Masare õaro mahirãpũ Goãmũ porã ãhrima. Eropirã erã Goãmũre õaro masima.

8 Masare árīpehrerāre Goām̄u b̄urīgā mahiniguiḡu āhrimi. Īḡu eropa mahiniguiḡu árīc̄ũ masare mahibirāp̄u Goām̄ure masibeama.

9 Goām̄u marire ĩḡu mahirare ĩhmudi árīmi ĩḡu maḡure obeoḡu. Īḡu maḡure yujuḡu ta árīḡure marire taubu obeodi árīmi i yebaguere. Eropa obeoḡu marire ĩḡu mahirire masic̄ũ iidi árīmi.

10 Īḡu maḡure obeora mahiri gohra āhraa. Mari masa Goām̄ure mahibiriq̄urec̄ũ ĩḡu Goām̄up̄u marire b̄urīgā mahidi árīmi. Eropiḡu ĩḡu maḡure obeodi árīmi mari ñerire cóābure. Īḡu maḡure obeora iri ta āhraa marire ĩḡu mahiri gohra.

11 Eropirā, yu mahirā, Goām̄u b̄urīgā marire mahic̄ũ ĩarā mari s̄a mari mera majarāre mahirā.

12 Masap̄u ne mari Paḡure Goām̄ure ĩabeama. Īḡure ĩabirā mari árīq̄urec̄ũ ta mari mera majarāre mari mahic̄ũ Goām̄up̄u mari mera õaro eropa árīniguicāmi. Eropiḡu ĩḡu mari mera árīḡu marire gajirāre õaro mahinemoc̄ũ iimi.

13 Goām̄u marire ĩḡu Espíriture ohami. Eropirā ĩḡu Espíriture mari oparā “Goām̄u mari mera õaro āhrimi,” arī masia mari.

14 Mari Paḡu ĩḡu maḡure i yeba majarāre taubure ĩḡu obeoc̄ũ ḡua ĩabu. Eropirā irire ĩanirā gajirāguere irire werea ḡua.

15 “Jesucristo Goām̄u maḡu ta āhrimi,” arīḡu ĩḡu ta Goām̄u mera õaro árīḡu iimi. Eropiḡu Goām̄u s̄a ĩḡu mera õaro árīc̄āḡu iimi.

16 Eropirã Goãmũ marire mahirire masia mari. Eropirã marire diaye ta mahigu ïgu árĩcũ masia mari. Goãmũ masare árĩpehrerãre buriã mahiniguicãgu ãhrimi. Eropirã masare mahiniguirãpu Goãmũ mera õaro ãhrima. Goãmũ sã erã mera õaro ãhrimi.

17 I yeba árĩdigu Cristo Goãmũre gajirã sãre ïgu mahidiro dopa ta mari sã Goãmũre gajirã sãre mahia. Eropirã mari eropa mahirã mahinemoa, dipuwaja moarinũ árĩcũ mari güibiriboro dopa.

18 Eropirã mari Goãmũre mahirã güibeaa. “Goãmũ marire buriã mahimi,” arĩ õaro masirã güisome pare. “Mata Goãmũ yãre dipuwaja moagucumi,” arĩ pepirãpu güia mari. Mari eropa pepirã Goãmũ marire ïgu mahirire õaro masibeaa.

19 Marire Goãmũ mahimũhtami. Eropirã mari sã ïgure mahia.

20 Yujugu masu gajigure ïhaturigu árĩqueregu “Yũ sã Goãmũre mahia,” arĩgu gũyagu ãhrimi. Gajigure ïhaturigu Goãmũre mahibeami ïgu. Gajigure ïgu masigu árĩqueregu ta mahibigu Goãmũ sãre ïgu ne ïabigure mahimasibeami ïgu.

21 Eropa ãhraa marire Cristo ïgu doreri: Goãmũre mahirã árĩrã mũa pohro árĩrã sãre mahi umupeoque.

## 5

*Goãmũ porã árĩrã Goãmũ dorerire iima, arĩ werera ãhraa*

<sup>1</sup> Árípehrerã Jesupure “Cristo áhrimi. Goãmũ obeodigũ ire burigã mahimi,” arĩáhrimi,” arĩrã Goãmũ porã ta áhriima. Gajirã pagure mahirã ígũ porã sãre mahia mari. Eropa ta mari mari Pagure Goãmure mahirã, ígũ porã sãre mahia.

<sup>2</sup> Eropirã Goãmũ porãre mari mahire mari õpa masirãca: Goãmure mahi, ígũ dorerire õaro ii, ígũ porã sãre mari mahirã iiaa.

<sup>3-4</sup> Ígũ dorerire õaro iirã Goãmure mahirã iiaa mari. Marire Goãmũ ígũ dorerire iicũ teboricũsũya mara. Eropirã mari arĩpehrerã Goãmũ porã arĩrã, i umũ maja ñerire eropa iiniguicãsome. Goãmure umupeorã ne ñerire gamebeaa. Eropirã ígure mari umupeora pũhrũ ñerire iidiabeaa.

<sup>5</sup> Ñerire gamebirã õpa arĩrã áhraa mari Jesucristore. “Jesu Goãmũ magũ ta áhrimi,” arĩ umupeorã ta áhraa. Eropa arĩrã arĩrã ñerire gamebirã áhraa mari.

### *Goãmũ magũ arĩricũre werera áhraa*

<sup>6</sup> Jesucristo i yebague erami. I yebaguere árĩgũ deco mera waĩyesũmi. Deco dihta árĩbeaa. Pũhrũ sĩrigũ ígũ di cóãmi. Eropirã Jesucristore ígũ deco mera waĩyecũ ñha ígũ ya di cóãcũ ñha “Ígũ Goãmũ magũ ta áhrimi,” arĩ masia mari. Jesucristo arĩricũre diaye ta marire arĩpehrerãre masicũ iimi Espĩritu Santo. Espĩritu Santo diaye majare marire masicũ iimi.

<sup>7-8</sup> Ũmarogue sãre irire “Jesucristo Goãmũ magũ ta áhrimi,” arĩ wererã urerã áhriima. Mari Pagũ, ígũ magũ, Espĩritu Santo erã ta áhriima. Erã urerã ta áhriima. Eropirã yujugũ iro dopa ta

ãhrima. I yebague sãre “Jesucristo Goãmũ magũ ãhrimi,” arĩ masisũa. Ìgũ magũ ìgũ árĩricũre Espíritu Santo marire masicũ iimi. Eropi Jesure deco mera ìgũ waĩyerare masirã “Ìgũ Goãmũ magũ ãhrimi,” arĩ mari masia. Eropirã mari árĩburire Jesu sĩrigũ ìgũ di cóãrañere Ìha masirã “Goãmũ magũ ta ãhrimi,” arĩ masia mari. Iri mera marire masiro gahmea.

<sup>9</sup> Mari masa dihta wereniguicũ mari peea. Eropirã marire Goãmũpũ ìgũ magũ árĩricũre wereniguicũ ðaro peero gahmea.

<sup>10</sup> Eropirã Goãmũ magũre umupeorã ìgũ Jesure were buherire ðaro peema. “Diaye ta ãhraa,” arĩ pepima erã Jesu yare buherire. Goãmũ ìgũ magũ yare “Diaye árĩbeaa,” arĩ pepirãpũ “Goãmũ gũyagũ ãhrimi,” arĩrã ãhrima erã. Goãmũ ìgũ magũre arĩ wererire peebirã ãhrima.

<sup>11</sup> Goãmũ marire umuri nũcũ ìgũ mera mari árĩniguicũ iigũcumi. Goãmũ magũre gamerã árĩrã mari árĩcũ ìgũ mera eropa árĩniguicũ iigũcumi marire. I ãhraa Goãmũ magũre ìgũ wereri.

<sup>12</sup> Eropirã Goãmũ magũre umupeorã Goãmũ mera árĩniguicãrãca. Eropirã gajirã ìgũre gamebirãpũ ìgũ mera árĩsome.

### *Weretu ìgũ gojara ãhraa*

<sup>13</sup> Mũa Goãmũ magũre umupeorã ìgũre peerã mũa Goãmũ mera eropa árĩniguicãrãca. Mũa Goãmũ mera árĩburire ðaro masicũ mũare were gojagũ iiaa.

14 Mari, mari dohpa árĩrire Goãmure serērã ãgũ gamediro dopa ta mari seręcũ ãgũ marire õaro peenũrugucumi. Eropa mari serērã, “Diaye ta õaro peemi ãgũ,” arĩ masia mari.

15 ãgũre mari eropa seręcũ ãgũ marire peemi. ãgũ pee mari serēropē ta ogucumi. ãgũ eropa peecũ masirã ãgũre mari serēropē ta ãgũ obu árĩcũ sãre masia mari.

16 Mari mera majagũ gajigũ Jesucristore umupeogũ ñerire ãgũ iigũ árĩcũ ãha ãgũre Goãmure serēbasaro gahmea. Eropa seręcũ Goãmũ ãgũre taugucumi ãgũ dedereborañere. Gaji ñero iiri ãhraa. Iri ñero iirire gajigũ ãgũ iigũ árĩcũ ãha Goãmũ ãgũre dedereburiñere taubeami. Eropigũ mũ acaweregũ iri ñerire iicũ Goãmũ taubiriburire iicũ “ãgũre Goãmure serēbasaque,” arĩbeaa yũhũ mũare.

17 Árĩpehreri ñero iiri ñetariari ãhraa Goãmũ ãgũ ãacũ. Eropa árĩquerecũ gaji ñeri iiri peamegue wacũ iibeaa masare.

18 Goãmũ magũ Jesucristo Goãmũ porãre õaro cãhmotami. Eropigũ watĩpũ Goãmũ porãre ñero iirire doremasibeami. Eropirã Jesucristo cãhmotari mera Goãmũ porã ne ñero iirire eropa iiniguicãbeama. Irire mari masia.

19 Mari Goãmũ porã ãhraa. Watĩ i mũmũ majarã opũ ãhrimi. Iri sãre masia mari.

20 Goãmũ magũ i yebague aridi Goãmure õaro masicũ iimi ãgũ marire. Eropirã Goãmure “Diaye ta ãhrimi,” arĩ masia mari. Eropirã Goãmũ magũ Jesucristo yarã ãhraa mari. Eropirã Goãmũ mera mari õaro árĩniguicãrã iiaa. Ihĩ diaye



ta Goãmũ gohra ta ãhrimi. Eropirã ãgu mera  
árĩniguicãrãca.

<sup>21</sup> Yũ buherã, goãmarã wéanirãre “Goãmũ  
ãhrimi,” arĩ umupeobiricãque. Goãmũ dihtare  
umupeoque. Iripẽta ãhraa.

## **Desano**

### **Desano: Goãmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source  
files dated 1 May 2025

17771afc-c309-57fd-9ff3-2d5a0cd59ff1